


სსიპ საზოგადოებრივი მაუწყებლის აჭარის ტელევიზია და რადიო



მსოფლიო ქსელის (www) გვერდების შექმნა– (CPV 72413000)  
სახელმწიფო შესყიდვის გამარტივებული ელექტრონული  
ტენდერის საშუალებით განხორციელების

სატენდერო დოკუმენტაცია

ქ.ბათუმი

2014 წ.

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12<sup>1</sup> მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე

## 1. ინსტრუქცია ტენდერში მონაწილეობისათვის

1.1 სახელმწიფო შესყიდვების ერთიან ელექტრონულ სისტემაში (შემდგომში- სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის 12<sup>1</sup> მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 სატენდერო წინადადების წარდგენისთვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ.დანართი №1.

1.3 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს.

ა) გამარტივებული ელექტრონული ტენდერის შემთხვევაში – არანაკლებ ოცდაათი კალენდარული დღით ამ წესის მე-2 მუხლის პირველი პუნქტის „ღ“ ქვეპუნქტით გათვალისწინებული ეტაპიდან;

ბ) ელექტრონული ტენდერის შემთხვევაში – არანაკლებ სამოცი კალენდარული დღით ამ წესის მე-2 ლ“ ქვეპუნქტით გათვალისწინებული ეტაპიდან;

1.6 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.7 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.8 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.9 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.10 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.11 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლებ ოდენობით.

**1.12** ბიჯი არის სატენდერო წინადადების ფასის კლების წინასწარ განსაზღვრული ოდენობით, რომელიც მითითებულია სატენდერო განცხადების შესაბამის ველში.

**1.13** დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდში მონაწილეობა საგაღდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

**1.14** დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარმოდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

**1.15** მას შემდეგ რაც დასრულდება დამატებითი რაუნდი, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

**1.16** იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

**1.17** თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არა უმეტეს სამი დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

**1.18** თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

**1.19** იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არა უგვიანეს ხუთი სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

**1.20** პრეტენდენტის დსკვალიფიკაცია ხდება შემდეგ შემთხვევაში: ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენისას; ბ) თუ პრეტენდენტი უარს აცხადებს მის მიერ წარმოდგენილ წინადადებაზე; გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს; დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების

შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში; ე) პრეტენდენტის მიერ არაკეთილსინდისიერი ქმედების განხორციელებისას.

**1.21** ამ ინსტრუქციის **1.20** ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

**1.22** „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის მე-2 მუხლის პირველი პუნქტის „ა“, „ბ“ და „გ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შემდეგ;

გ) პრეტენდენტი დისკვალიფიცირებულია ამ წესის მე-13 მუხლის მე-2 პუნქტის „ბ“, „გ“, „ე“, „ზ“ პვეპუნქტების შესაბამისად.

**1.23** იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის **1.24** პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნებისთანავე.

**1.24** ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას;

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის აანაზღაუროს შესყიდვაში მონაწილეობასთან დაკავშირებული ხარჯები.

**1.25** ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

**1.26** დავის შემთხვევაში უცხოურ ენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტების მინიჭების საკითხს წყვეტს სატენდერო კომისია.

**1.27** სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედ დასმული უნდა იყოს უფლებამოსილი პირის მიერ.

**1.28** ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

**1.29** პრეტენდენტს არ აქვს უფლება წარმოადგინოს ალტერნატიული წინადადება.

## 2. ტექნიკური დოკუმენტაცია:

შესყიდვის ობიექტი: სსიპ საზოგადოებრივი მაუწყებლის აჭარის ტელევიზიისა და რადიოსათვის ვებ-გვერდის შექმნის მომსახურების შესყიდვა.

### 2.1 ტექნიკური პირობა:

საიტის დიზაინი, ფერთა გამა, დიზაინის ელემენტები და სტრუქტურული განლაგება შეთანხმებული უნდა იყოს ტელევიზიის ადმინისტრაციასთან წარმოდგენილი ესკიზების მიხედვით. დიზაინის შემუშავება მოხდება ექსკლუზიურად, შეთანხმებული სტრუქტურისა და კომპანიის ფერების მიხედვით. საბოლოოდ შეთანხმებული დიზაინის მიხედვით ხდება საიტის აწყობა, რაც გამორიცხავს შემდგომში ძირეული ცვლილებების შეტანას. შემსრულებელმა არ უნდა გამოიყენოს ინტერნეტ-სივრცეში არსებული ფასიანი თუ უფასო მზა ესკიზები (Website Template).

საიტის ინტერფეისი და მართვის მხარე მაქსიმალურად უნდა იყოს ოპტიმიზებული ნავიგაციისა და ჩატვირთვის თვალსაზრისით.

საიტის მართვის სისტემა(CMS) უნდა იყოს ექსკლუზიური, გამოირჩეოდეს მარტივი სამართავი პანელით, რომელიც უნდა უზრუნველყოფდეს საიტის ტექსტურ და გრაფიკულ ინფორმაციასთან სრულ წვდომას. არ უნდა გამოიყენებოდეს სტანდარტული მართვის სისტემები(CMS) როგორებიცაა: Joomla, wordpress, Tango, Drupal დაა.შ.

საიტზე არსებული ყველა ტექსტური, გრაფიკული და ვიდეომასალა უნდა შენარჩუნდეს და მოხდეს იმპორტირება ახალ საიტზე, რაც უნდა უზრუნველყოს შემსრულებელმა.

საიტის შექმნისთვის გამოიყენებულ უნდა იყოს უახლესი ტექნოლოგიები (HTML 4/5, CSS 3, JavaScript, PHP, MySQL, jQuery). საიტი სრულფასოვნად უნდა მუშაობდეს ყველა ბრაუზერისთვის.

აგრეთვე საიტს უნდა გააჩნდეს დაბალი გაფართოების (mobile ვერსია) რომელიც ავტომატურად უნდა ჩაიტვირთოს იმ შემთხვევაში, თუ მომხმარებელი მიმართავს საიტს სმარტფონის, პლანშეტური ან სხვა მობილური მოწყობილობიდან. მობილური ვერსია უნდა იყოს სრული ანალოგი და უნდა ფუნქციონირებდეს ყველა მობილური სიტემებისთვის და ბრაუზერებისთვის, ასევე შესაძლებელი უნდა იყოს ვიდეომასალის ნახვა ყველა არსებული მოწყობილობიდან.

საიტი უნდა იყოს ოპტიმიზირებული საძიებო სისტემებისთვის (google, Bing...) და სოციალური ქსელებისთვის (Facebook, Twitter..) საიტის ოპერატორს უნდა ჰქონდეს საშუალება ატვირთულ სტატიას ხელით გაუწეროს საკვანძო სიტყვები (keywords) და აღწერა (description), რაც ხელს შეუწყობს საიტის ოპტიმიზაციას. აგრეთვე უნდა მოხდეს ავტომატურ რეჟიმში საიტის რუქის (sitemap.xml) გენერაცია. აგრეთვე შემსრულებელმა უნდა უზრუნველყოს FriendlyURL (url-rewrite მოდულის კონფიგურირება).

აგრეთვე უნდა შეიქმნას Google Chrome Extension შემდეგი ფუნქციებით: სიახლეები (სათაური, თარიღი, ფოტო), დაქლიქვის შემთხვევაში უნდა მოხდეს სიახლის გვერდზე

გადასვლა, სადაც საშუალება ექნება მომხმარებელს იხილოს სრულად. აგრეთვე Chrome-ის აპლიკაციაში უნდა იყოს ლაივ-სტრიმინგის დილაკი. აპლიკაცია უნდა განთავსდეს Google Chrome Store-ში და, იმ შემთხვევაში, თუ მომხმარებელი საიტს ეწვევა Chrome-ბრაუზერით (Google Chrome), შესთავაზოს მას ინსტალაცია.

საიტი უნდა იყოს სამენოვანი (ქართული, ინგლისური, რუსული).

საიტის სტრუქტურა იქნება შემდეგი: მთავარი გვერდი, ახალი ამბები, გადაცემები, პროგრამა, ჩვენს შესახებ, მაუწყებლობა, სამეურვეო საბჭო, კონტაქტი. საიტის გვერდები დამატება და რედაქტირება უნდა ხდებოდეს მართვის სისტემის (CMS) საშუალებით. გვერდების რედაქტირების დროს ოპერატორს უნდა შეეძლოს ისეთი ელემენტარული ოპერაციების შესრულება, როგორიცაა ტექსტის რედაქტირება, გრაფიკული ფაილის, ვიდეოფაილის, ემბედიდ კოდის, ლინკის, ცხრილის ჩასმა. ასევე შესაძლებელი უნდა იყოს კოდის (html source) რედაქტირება.

## **2.2 სიახლეების ბლოკის აღწერა**

სიახლეების დამატება უნდა ხდებოდეს მართვის სისტემიდან (CMS), ყველა სიახლეს უნდა ენიჭებოდეს დრო, თარიღი და ლაგდებოდეს ქრონოლოგიურად. ასევე უნდა გააჩნდეს ნებისმიერი სიახლის ჩასწორების და წაშლის შესაძლებლობა.

სიახლე უნდა შედგებოდეს: თარიღი, დრო, სათაური, შესავალი, ძირითადი ტექსტის ველი, ვიდეო ფაილის მისამაგრებელი ველი, ფოტოსურათის მისამაგრებელი ველი, საკვანძო სიტყვების შესაყვანი ველი.

ძირითადი ტექსტის ველში ოპერატორს უნდა შეეძლოს ისეთი ელემენტარული ოპერაციების შესრულება, როგორიცაა ტექსტის რედაქტირება, გრაფიკული ფაილის, ვიდეო ფაილის, ემბედიდ კოდის, ლინკის, ცხრილის ჩასმა. ასევე შესაძლებელი უნდა იყოს კოდის (html source) რედაქტირება.

სიახლეების გამოტანა საიტზე, არქივირება და ძებნა უნდა განხორციელდეს დამკვეთის მოთხოვნის შესაბამისად, შემსრულებლის მიერ წარმოდგენილი და დამკვეთის მიერ დამოწმებული დიზაინის მიხედვით.

## **2.3 გადაცემების ბლოკის აღწერა**

გადაცემების ბლოკში თითოეული გადაცემის დამატება უნდა ხორციელდებოდეს მართვის სისტემის (CMS) საშუალებით.

თითოეული გადაცემისთვის მართვის სისტემაში (CMS) უნდა იყოს სათაურის, სრული ტექსტის, ფოტოსურათის და ვიდეოფაილის მიმაგრების რედაქტირების და წაშლის შესაძლებლობა.

გადაცემების გამოტანა საიტზე (ტექსტური, გრაფიკული და ვიდეომასალა), არქივირება და ძებნა უნდა განხორციელდეს დამკვეთის მოთხოვნის შესაბამისად, შემსრულებლის მიერ წარმოდგენილი და დამკვეთის მიერ დამოწმებული დიზაინის მიხედვით.

## **2.4 პროგრამის ბლოკის აღწერა**

საიტზე პროგრამის დამატება უნდა ხორციელდებოდეს მართვის სისტემის (CMS) საშუალებით, ყოველდღიური პროგრამა უნდა თარიღდებოდეს, შესაძლებელი უნდა იყოს მასში ტექსტური მასალის შეყვანა, რედაქტირება და წაშლა, ასევე შესაძლებელი უნდა იყოს გასული და მომავალი დღეების პროგრამის შეყვანა.

პროგრამის გამოტანა საიტზე უნდა განხორციელდეს დამკვეთის მოთხოვნის შესაბამისად, შემსრულებლის მიერ წარმოდგენილი და დამკვეთის მიერ დამოწმებული დიზაინის მიხედვით.

## 2.5 სამეთვალყურეო საბჭო

სამეთვალყურეო საბჭოს გვერდი წარმოადგენს ქვე-გვერდს, რომელსაც გააჩნია დამოუკიდებელი სტრუქტურა, მაგრამ არ გამოდის ძირითადი საიტის დიზაინის ჩარჩოებიდან. მისი დიზაინი და სტრუქტურული განლაგება უნდა განხორციელდეს დამკვეთის მოთხოვნის შესაბამისად, შემსრულებლის მიერ წარმოდგენილი და დამკვეთის მიერ დამოწმებული დიზაინის მიხედვით.

გვერდის ადმინისტრირება უნდა ხდებოდეს მართვის პანელის საშუალებით, შესაძლებელი უნდა იყოს გვერდების დამატება, მათი ადმინისტრირება, ტექსტის, ფოტოსურათის და ვიდეოფაილის მიმაგრების რედაქტირება და წაშლა.

საიტის დამზადებელმა უნდა უზრუნველყოს ექსტენზიანი ტექნიკური მხარდაჭერა, საჭიროების შემთხვევაში, დიზაინის და სტრუქტურული ელემენტების შეცვლა, წაშლა ან დამატება. აღნიშნული მხარდაჭერა არ გულისხმობს საიტის სტრუქტურული და ვიზუალური მხარეების ძირეულ ცვლილებას.

**2.6 დაფინანსების წყარო:** საკუთარი სახსრები.

**2.7 მოწოდების ვადა:** ხელშეკრულების გაფორმებიდან 30 კალენდარული დღე.

## 3. ფასების ცხრილი

ფასების ცხრილში ტექნიკური პირობების მიხედვით ასახული უნდა იყოს საქართველოს კანონმდებლობით გათვალისწინებული გადასახადები.

სავარაუდო ფასი 6 500 (ექვსი ათას ხუთასი) ლარი.

## 4. ხელშეკრულების აუცილებელი პირობები:

### 4.1 ანგარიშსწორების პირობები:

ა) ანგარიშსწორება მიმწოდებელთან განხორციელდება მიღება-ჩაბარების აქტის გაფორმებიდან 10 კალენდარული დღის ვადაში.

ბ) ანგარიშსწორება მოხდება უნაღდო ანგარიშსწორებით ეროვნულ ვალუტაში.

### 4.2. ხელშეკრულებით გათვალისწინებული პირობების შეუსრულებლობა:

ა) ხელშეკრულებით გათვალისწინებული ვალდებულებების შეუსრულებლობისათვის მიმწოდებელს ეკისრება პირგასამტეხლო ხელშეკრულების ჯამური ღირებულების 10 (ათი) პროცენტის ოდენობით;

ბ) დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო, ხელშეკრულების ფასის 0.1%-ის ოდენობით;

გ) იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 3%-ს, შემსყიდველს უფლება აქვს შეწყვიტოს ხელშეკრულება.

დ) საჯარიმო სანქციების გადახდა არ ათავისუფლებს მიმწოდებელს ძირითადი ვალდებულების შესრულებისგან.

## 5. ხელშეკრულება სახელმწიფო შესყიდვის შესახებ

ა) ხელშეკრულების საბოლოო ვარიანტი დაზუსტდება ტენდერში გამარჯვებულ პრეტენდენტთან ხელშეკრულების გაფორმების პროცესში, გარდა სატენდერო დოკუმენტაციის მე-4 პინქტით განსაზღვრული მოთხოვნებისა.

## 6. პრეტენდენტის მიერ წარმოსადგენი ინფორმაცია:

- ა) პრეტენდენტის სრული დასახელება;
- ბ) პრეტენდენტის საიდენტიფიკაციო კოდი;
- გ) პრეტენდენტის იურიდიული და ფაქტობრივი მისამართი;
- დ) პრეტენდენტის ელ.ფოსტის მისამართი;
- ე) საკონტაქტო პირის ტელეფონის ნომერი;
- ვ) ორგანიზაციის ხელმძღვანელის სახელი და გვარი;
- ზ) ბანკის დასახელება;
- თ) ბანკის კოდი;
- ი) ანგარიშის ნომერი;

#### **7. პრეტენდენტმა უნდა უზრუნველყოს:**

- ა) სატენდერო დოკუმენტაციით განსაზღვრული დოკუმენტების ატვირთვა სახელმწიფო შესყიდვების ერთიან ელექტრონულ სისტემაში:
  - ფასების ცხრილი;
  - ტექნიკური პირობები;
  - ხელშეკრულების აუცილებელი პირობები;
  - პრეტენდენტი პირის რეკვიზიტები.
- ბ) ყველა დოკუმენტი ხელმოწერილი და ბეჭედდასმული უნდა იყოს უფლებამოსილი პირის მიერ.

#### **8. საკონტაქტო პირი:**

- ა) სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია მისმართზე: ქ. ბათუმი, მ.აბაშიძის გამზირი №41, საკონტაქტო პირი კომისიის წევრი მამუკა გუნდაძე; ტელ. 595 11-30-52, 27-43-82.

## აფიდავითი

### სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

\* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

\* უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;

\* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

\* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

\* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

\* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეყანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

---

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195<sup>1</sup> მუხლის შესაბამისად.